


NEQEROORTITSINERMI TUNNGAVIGISAQ:

**EQQAAVILERINEQ
2025-2027**



Kommune
Qeqertalik

**KOMMUNE QEQERTALIK
INOQARFIK QEQERTARSUAQ**

Imarisaa:

1	Neqeroortitsinermut piumasaqaatit	3
1.1	Inatsisitigut tunngavissat:.....	3
1.2	Neqeroortitsisoq:.....	3
1.3	Neqeroortitseriaaseq:	3
1.4	Isumaqatigiissutip sivilissusaa:	3
1.5	Neqeroortitsinermut tunngaviit:.....	3
1.6	Neqerooruteqarnissamut piffissarititaq:.....	3
1.7	Neqeroorummut piumasaqaatit tunniussinerlu:	4
1.8	Nangaaneq.....	4
1.9	Neqeroorutini ammaaneq:	4
1.10	Neqeroorummik toqqaaneq nalunaarutiginninnerlu:.....	4
2	Sullissinermut allaaserinnineq.....	4
2.1	Imaarsisarnerit.....	4
2.2	Ingitsinerit.....	4
2.3	Piffissaq:.....	5
2.4	Puunik tunniussisarneq ikkussisarneq matusisarnerlu:.....	5
2.5	Innersuussineq:	5
2.6	Nalliuttuni eqqaavilerineq:.....	5
2.7	Ingerlatsinermi akornutit:.....	5
2.8	Ingerlatsinermi unittoornerit:	5
2.9	Pilersaarutiniq allanngineq:	5
2.10	Aanngajaarniutitut inerteqqut:.....	5
3	Suliakkerneqartup Kommunillu akornanni suleqatigiinneq	5
3.1	Tunngaviumik suleqatigiinneq pillugu:	5
3.2	Aaqqiissuteqarneq:.....	6
4	Akisussaaffiit agguataarneri	6
4.1	Akiuussuserneqarsimanissamik piumasaqaat.....	6
4.2	Sulisoqarnikkut avatangiisit:.....	6
4.3	Oqarasuaateqarnissamik piumasaqaat:	6
4.4	Kommunemut nalunaartussaataaneq:	6
4.5	Ajoqusernerit:.....	6
4.6	Kukkunerit amigaatillu:.....	6
4.7	Akissarsiat:.....	6

4.8 Puussiartassanik pisineq:.....	7
4.9 Atuisunik nalunaarsuineq:.....	7
4.10 Atuisunik allanngortoqartillugu nalunaarutiginninneq:.....	7
4.11 Kiffartuussinermut allattorsimaffimmik nutarterineq:.....	7
4.12 Attaveqaateqarneq:.....	7
4.13 Nalunaarsorneqarneq.....	7
4.14 Nammineerluni atuisup isumagisassai:.....	7
5 Eqqaavilerinermi atortunut tunngatillugu.....	8
5.1 Atortut	8
5.2 Assartuutit:	8
5.3 Assartuutitut piumasaqaatit:	8
6 Kommune Qeqertaliup akiligassiisarnermi piumasaqaatai	8
6.1 Atuisut akiligassaat:	8
6.2 Akiligassaliortarneq:	8
6.3 Akiliisarneq:	8
7 Isumaqaatigiisummik atorunnaarsitsineq immikkut pillugu.....	8
7.1 Aaqqiiniaqaatigiinnerit:	8
7.2 Isumaqaatigiisummik taamaatitsineq:.....	8
7.3 Isumaqaatigiisummik sumiginnaaneq:	9

1 Neqeroortitsinermut piumasaqaatit

Suliami pineqarput Qeqertarsuarmi eqqaaviit imaarneqartartussatut nalunaarsorsimasut, taamatuttaaq eqqaaviit illoqarfiup iluaniittut tamanit atorineqartussatut naatsorsuussaasut.

1.1 Inatsisitigut tunngavissat:

Pisortat oqartussaaffigisaanni suliffeqarfiinilu nioqqutissanik kiffartuussinernilu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-meersaq

Avatangiisit innarlitsaaliorneqarnissaannik inatsisartut inatsisaat nr. 9, 22. November 2011-meersaq

Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersaq

1.2 Neqeroortitsisoq:

Kommune Qeqertalik Qeqertarsuaq, Holten Møllerip Aqq. B-510, 3953 Qeqertarsuaq, qeqertarsuaq@qeqertalik.gl, 70 19 00.

Attaveqaat: Inoqarfimmi områdeleder, Aningaaq Fleischer, anif@qeqertalik.gl, 38 71 91.

1.3 Neqeroortitseriaaseq:

Neqeroortitsisup allakkami matumani tamanut suliariumannittussarsiuussinertut pisussanngorlugu toqqarsimavaa, kingornagullu isumaqatiginninniarnissamut periarfissaqartillugu.

1.4 Isumaqatigiissutip sivilissusaa:

01.09.2025 – 31.08.2027

1.5 Neqeroortitsinermut tunngaviit:

Neqeroortitsinermi tunngavissatut allaatigisaq naapertorlugu sulineq ingerlanneqassaaq.

Allakkami matumani neqeroortitsinermut atugassat nassaassaasinnaasulluunniit Kalaallit Nunaanni, Nunanilu tamalaani inatsisit, peqqussutit, nalunaarutit, oqartussat piumasaqaatat malerugassallu il.il atuutsinneqartut.

Suliassat suliarineqarnerini, suliakkerneqartoq oqartussanik akuersissutinik pisarialinnik tamanik tamatigut peqartussaavoq.

Suliakkerneqartup piumasaqaatit, inatsisit maleruaqqusallu atuuttut ilisimaareqqinnaarnissaat qulakkiissavaa.

1.6 Neqerooruteqarnissamut piffissarititaq:

Neqeroorut kingusinnerpaamik attaveqaataasumut imaluunniit saaffiginnittarfimmut tunniunneqareersimassaaq:

Ataasinngorneq 11. august 2025, nal. 14:00

Neqeroornermi tunngavissaq immersugassarlu Kommune Qeqertaliup nittartagaatigut aaneqarsinnaavoq: www.qeqertalik.gl, imaluunniit saaffiginnittarfimmut saaffiginninnikkut.

1.7 Neqeroorummut piumasaqaatit tunniussinerlu:

Neqeroorut kalaallisut imaluunniit danskisut allassimassaaq.

Neqeroornermi immersugassami suliassat piumasaqaatigineqartut tamakkiisumik naatsorsorneqarnerisa inernerat allanneqassaaq.

Neqeroornermi immersugassaq immersoriarlugu allakkap puuanut ikineqassaaq, neqeroortup aqqa, najugaa attaveqaataalu allanneqassapput. Allakkap puua nalunaaqutserneqassaaq ima: "Allagaatilerisumit ammarneqassanngilaq – Qeqertarsuarmi eqqaavilerineq".

1.8 Nangaaneq

Nangaaneq akuerineqarsinnaanngilaq

1.9 Neqeroorutini ammaaneq:

Neqeroorutit Kommunep ataatsimiittarfiani, ulloq **11. august 2025 nal.15:00** ammarneqassapput. Neqeroortut ammaanermi peqataanissamut tikilluaqqusaapput.

1.10 Neqeroorummik toqqaaneq nalunaarutiginninnerlu:

Suliaqarnissamut piumasaqaatinik naammassinnissimanissaaq piumasaqaataavoq.

Neqeroorut akilersinnaanerpaq isumaqatigiissusiornissamut tunngavigineqassaaq, matumani pingaarnertut suliaqarnermut akigititaq pitsaassuserlu nalilersuutigineqassallutik.

Neqeroortitsinerup inenera neqeroortunut allakkatigut nalunaarutigineqassaaq.

Isumaqatigiissuioffissatut siunnerfigisaaq aggersaammik nassinneqassaaq, oqaloqatigiinnerit aallartinnissaat naatsorsuutigineqassaaq sap.ak. 33-mi ingerlanneqassasoq.

Neqeroortitsisoq, matumani Kommune Qeqertalik, pisinnaatinneqarpoq neqeroorummik itingartitsisinnaalluni, inatsisit sukkulluunniit atuuttut tunngavigalugit.

2 Sullissinermut allaaserinninneq

2.1. Imaarsisarnerit

Eqqaaviit imaarneqartartussatut nalunaarsorsimasut kiisalu eqqaaviit illoqarfimmiittut tamanit atorneqartussatut naatsorsuussat imaarneqartassapput

2.2. Ingitsinerit

Eqqaaviit puussaat qanoq imaqartigineri apeqqutaatinnagit inginneqartassapput.

2.3. Piffissaq:

Eqqaavilerineq pisassaaq: Ataasinngornermiit tallimanngorneq ilanngullugu, nal. 07:00 – 18:00 iluani.

2.4. Puunik tunniussisarneq ikkussisarneq matusisarnerlu:

Eqqaaviup puussaanik tunniussisarneq ikkussisarnerlu, aamma eqqaaviit matuisa matusarnissaat eqqaavilerisumit isumagineqartassaaq

2.5. Innersuussineq:

Eqqaaviit katersorneqareeraangata eqqaavissuarmut Kommuni innersuusnaanut isumannaatsumik ingikartorneqartassapput.

2.6. Nalliuttuni eqqaavilerineq:

Nalliuttuni eqqaavilerineq nalliuttut qanillinerini pisassaaq, taakkulu qaangiunneranni ulluni nalinginnaasumik suliffiusuni siullermi aallarteqqinneqartassalluni.

2.7 Ingerlatsinermi akornutit:

Ingerlatsinermi akornutit annikinnerusut eqqangassalerinermik suliaqartumit toqqaannaq iliuuseqarfigineqartassapput, soorlu puussiat ajoqusersimappata, ingitsinngittoortoqarsimappat il.il. Eqqaaviit imaarneqartarnissaannut nalunaarsorsimasut eqqangassalerinermik sullissisumut toqqaannaq attaveqartassapput.

2.8 Ingerlatsinermi unittoornerit:

Ingerlatsinikkut unittoortoqartillugu sullissisoq pisussaavoq angallassissutitigut nammineq aningaasartuutigisassaminik iluarsiissuteqarnissamut, piaartumillu akornutaasoq pillugu Kommune Qeqertalik Qeqertarsuarmi attaveqaataasumut nalunaaruteqarluni.

2.9 Pilersaarutiniq allanngineq:

Ingerlatsinikkut akunnakusoortoqartillugu, eqqaavinnik imaarsisarneq pilersaarutit malillugit ingerlanneqarsinnaatinnagu, eqqangassalerinermik suliaqartoq pisussaavoq, kingoraartissanik erngertumik atugassiissuteqarnissaminut, kiisalu Inoqarfimmi attaveqaataasumut saaffiginninnissaminut.

2.10 Aanngajaarniutinut inerteqqut:

Suliffiup nalaani imigassartortoqannginnissaa imaluunniit aanngajaarniutinik atuisoqannginnissaa, piumasagaataavoq.

3 Suliakkerneqartup Kommunillu akornanni suleqatigiinneq

3.1 Tunngaviusumik suleqatigiinneq pillugu:

Eqqangassalerinermik suliakkerneqartup Kommunillu akornanni suleqatigiinneq pitsaasumik, ataqpeqatigiiffiusumik ileqqorissaarnermillu tunngaveqartumik imaqartinneqassaaq

3.2: Aaqqiissuteqarneq:

Sulianut tunngatillugu imaluunniit suleqatigiinnermi pitsanngorsagassaqaqtillugu oqaloqatigiinnikkut aaqqiissutissaq anguniarneqartassaaq. 6

4 Akisussaaffiit agguataarneri

Eqqaavilerinermik suliakkerneqartoq:

4.1: Akiuussuserneqarsimanissamik piumasaqaat

Eqqangassalerinermik suliaqartup qularnaassavaa sulisut nukillaarnermut – poliomut, noqartarnermut kiisalu tingulluummut Hepatitis A-mut aamma B-mut akiuussutissamik kapitissimanermut allagartaqarnissaat.

4.2: Sulisoqarnikkut avatangiisit:

Sullissisup sulisui sulisoqarnikkut avatangiisit pillugit malittarisassanik malinnittussaapput, soorlu makkunuunatigut nammineq eqqiluusaarnissaq oqimaattulerisarnerrillu pillugit.

4.3 Oqarasuaateqarnissamik piumasaqaat:

Sullissisoq oqarasuaateqassaaq/mobileqassaaq, taamaalilluni Kommune Qeqertalik, atuisuusullu sulinerup nalaani sullissisumut attaveqarsinnaaqqullugit

4.4: Kommunemut nalunaartussaataaneq:

Pissutsit suliaasaqarfiup iluanut tunngassutillit pingaaruteqarsinnaasut tamaasa sullissisup Inoqarfimmut nalunaarutigisassuai

4.5 Ajoqusernerit:

Sullissisoq nammineq pisuulluni allat pigisaanik imaluunniit kommunip illuutaanik atortuinilluunniit il. il. ajoqusiissagalaruni, ajoquserneqartut iluarsaanneqarneri sullissisup nammineq aningaasartuutigissavai

4.6 Kukkunerit amigaatillu:

Kukkusoqarsimatillugu amigaateqartoqartilluguluunniit sullissisoq Qeqertarsuarmi Inoqarfimmut nalunaaruteqartassaaq, pisariaqartutullu nalilerneqarpat atuisunut nalunaaruteqartoqartassaaq.

4.7 Akissarsiat:

Sulisut akissarsiaat sulinngiffeqarnerisiutisiassat (feriepenge) ilanngullugit kiisalu sillimmasiissutit assigiinngitsut eqqangassanik suliaqartumit akilerneqartassapput. Sullissisup inatsisitigut pisussaaffeqarnini malillugu sulisunut sillimmasiissusiussaaq. Sullissisup pisussaaffigaa nammineq sulisumilu akiuussutissamik kapitinnissartik tamannalu pillugu napparsimavimmut attaveqarnissani.

Kommune:

4.8 Puussiartassanik pisineq:

Kommuni nammineerluni eqqaaviup puussaanik pisisassaaq. Sullissisup kiisalu Inoqarfiup akornanni allamik isumaqatigiissuteqartoqarsimatinngu.

4.9 Atuisunik nalunaarsuineq:

Imaartittartut qaammatit tamaasa nalunaarsorneqartassapput, qasseriarlutik imaarneqarnersut kiisalu illut B-normui tamaasa, najugaqartullu/paaqqinnittarfiit aqqisa allatorneqarneri ilanngullugit paasissutissiisutigalugit. Nalunaarsukkat taakkua Kommune Qeqertalik Qeqertarsuarmi Inoqarfimmut nalunaarutigineqartassapput.

4.10 Atuisunik allanngortoqartillugu nalunaarutiginninneq:

Imaarsisarnerit amerlassusaat allannguuteqartillugit imaluunniit kiffartuunneqarnermik taamaatitsinerit imaartittalernissamilluunniit nalunaaruteqartoqartillugu tamanna Kommune Qeqertaliup sullissisumut nalunaarutigisassaavaa.

4.11 Kiffartuussinermut allattorsimaffimmik nutarterineq:

Kiffartuussinermut allattorsimaffimmik nutarterineq sullissisup kiisalu Inoqarfimmi pisortat akornanni isumaqatigiissuteqarnikkut pisassaaq.

4.12 Attaveqaateqarneq:

Piffissap suliffiusartup nalinginnaasup iluani Kommune Qeqertalimmi attaveqaataasoq oqarasuaatikkut 70 19 00 aqputigalugu attavigineqarsinnaavoq. Suliffiup nalinginnaasup avataatigut attaveqarfissat qanoq pissarsiarineqarsinnaanersut pillugit ingerlatsinermut akisussaasuusoq, tamatumuuna isumaqatigiissuteqarfigineqartassaaq. 7

Eqqaaviit imaartittarnissaannik nalunaarsorsimasut:

4.13 Nalunaarsorneqarneq

Ingerlatsineri akornutit annikinnerusut toqqaannaq eqqangassalerinermik suliaqartumut nalunaarutigineqartassapput.

4.14 Nammineerluni atuisup isumagisassai:

Aputaajaasarneq, aserfallatsaaliineq eqqaaviillu toqqaviinik pisinissaq illumik piginnittup attartortulluunniit isumagisassarai. Eqqaaviit ajoquteqartillugit iluamilluunniit passunneqarsimatinngit eqqaavilerinermut ajoqutaasumik, tamanna allakkatigut sullissisumit illuutilimmut/attartortumulluunniit nalunaarutigineqartassaaq.

5 Eqqaavilerinermi atortunut tunngatillugu

5.1 Atortut

Illoqarfimmi eqqagassanik sullissinermi atortut suliakkerneqartumit namminermi pigineqassapput, taamaallaat eqqaaviit puussiartassaat Kommunemit inniminnerneqartassapput

5.2 Assartuutit:

Assartuutitut atugassat sullissisup nammineerluni pissarsiarissavai. Sullissisup biiliinik ingerlatsinermut aserfallatsaaliinermullu aningaasartuutai Kommune Qeqertalimmut attuumassuteqassanngillat.

5.3 Assartuutitut piumasaqaatit:

Eqqaavilerinermi biilit atorineqartut suliamut naleqquttuussapput. Biilit pisuinnarnut angallassissutinullu allanut uloriarnartorsiortitsissanngillat, eqqakkallu katatat sapinngisamik minnerpaaffissaaniitineqassallutik. Sulinermi biilit atugassat, Inoqarfimmit akuerisaassapput.

6 Kommune Qeqertaliup akiligassiisarnermi piumasaqaatai

6.1 Atuisut akiligassaat:

Atuisunut akiligassaliortarneq Kommune Qeqertalimmit isumagineqartassaaq. Allatsissimasut allanguutaat aamma kiffartuussinermik taamaatitsisut allatsittullu Kommune Qeqertalimmit isumagineqartassapput.

6.2 Akiligassaliortarneq:

Eqqangassalerinermik suliaqartoq piffissaalluartillugu Kommune Qeqertalimmut suliaqarnermut akiligassamik (fakturamik) nassiussisassooq.

6.3 Akiliisarneq:

Kommune Qeqertalik akiliutissanik siumoortumik tunniunneqartartussatut isumaqatigiissutaasunik eqqangassalerinermi suliaqartumut qaammatikkaartumik kingumoortumik akiliisassaaq.

7 Isumaqatigiisummik atorunnaarsitsineq immikkut pillugu

7.1 Aaqqiiniaqatigiinnerit:

Isumaqatigiissuteqartut akunnerminni isumaqatigiinngissuteqalissagalarunik imaluunniit suleqatigiinermik ajornartorsiuteqalissagalarunik, oqaloqatigiinnikkut aaqqiissuteqarnissaq anguneqartassaaq.

7.2 Isumaqatigiisummik taamaatitsineq:

Sullissinissamik isumaqatigiissusiaq illuatungeriit arlaannit qaammatit pingasut siumut ilisimatitsilluni taamaatinneqarsinnaavoq.

7.3 Isumaqatigiisummik sumiginnaaneq:

Sullissinissamik isumaqatigiisummik sumiginnaasoqassagaluarpat isumaqatigiissut Kommune Qeqertalimmit ingerlaannartumik atuutilersumik atorunnaarsinneqarsinnaavoq. 8

Ilanngussat allattorsimaffiat

Ilanngussaq 1 Neqeroornermi allattuivik

Ilanngussaq 2 Suliat amerlassusaat

Ilanngussaq 3 Atuisunut nalunaarut